

填註一存署移交一繳本部堂衙門一繳藩司衙門一繳稅契總局以備查考將來該屋地如有朦混別生枝節除將原稅官從重參處外并將原核該稿幕友經承典更暨上手業主局中證人等一體嚴究決不寬貸云云

本省新聞

咨請保護華單○商部據議員劉世珩呈據鎮江商務分會總理吳兆恩摺稱華商赴內地採買土貨請轉飭各省局卡無得留難需索以期暢行一案當以事關商務即據分行咨照日前已咨行來東大約謂查三聯報單前總理衙門奏准華洋商人一律准領自應不分華洋概照定章辦理方昭平允茲據該總理吳兆恩摺開各節是華洋商雖均得領聯單而關卡州縣於驗單換照時仍復顯存歧視應享利益並不能彼此一律核與華商准領聯單原章不符且邇來華商紛紛冒掛洋旗若於請領聯單一事不能持平辦理適啟為淵駭魚之弊實於朝廷保護商人振興商務之意大有窒礙現在鎮江華單公所遵改商會業由兩洋報部核准亟宜切實整頓所有從前留難需索情事務即申明嚴禁痛加革除俾免畸輕畸重之害相應咨行查照轉飭所屬各局卡州縣凡遇華商驗單換照毋得稍有留難需索情事偷敢故違應即從嚴究辦以維商政是為切要等因撫帥昨已照行各衙局飭即查照分移飭屬一體遵照辦理矣

協兵抵清○本報前記北洋調撥十三協由正定開赴江北一節茲探悉該協隊已於本月初二日在濟甯附舟由運河南下十四日徐贊鳳抵清江浦次日由協統徐贊鳳君率同登岸排隊而行軍容極整現在駐紮黃河灘新建營房內尚未開操

咨查學生○前署齊東繆大令以該縣高等小學堂李秉訓李迺屏二生告假出學旋聞其潛赴省城義務學校肄業實屬故違禁令當即稟由連提學憲札飭義務學校照章辦理當經義務學校經理人查明稟覆大約謂李迺屏一名委係查無其人至李秉訓一名查得乙班生內有李炳勛一名係齊東籍是否即係李秉訓現已放假回籍無從核詢擬請令就近查辦云

議建粵東會館○自海禁大開中外互市往來各埠經商者粵人居其多數故均立有會館以肅鄉誼而達商情青島開埠九年商業日見發達除江皖蘇浙齊燕已建立會館公所外粵邦尙屬缺如現該幫公同議妥購定地基

惟工料等費恐不敷用已刊印公啟散於外埠將伯遙呼衆擎易舉將來可望興工建造矣

衍聖公太夫人入覲○衍聖公令母彭太夫人到京各節已迭誌前報茲悉太夫人已於初八日進宮覲見 皇太后蒙 賜克食并垂詢東省情形及女學堂太夫人一一奏對逾時始退次日又蒙 恩賜食物尺頭聞俟

幸頤和園後尙須 宣召隨從遊宴云

曹屬減提盈餘詳誌○撫帥前以曹屬盜風未靖雖曾撥先鋒隊數營開往協同防營加意鎮剿尤須各該州縣協力搜捕地方方可肅清因各該州縣缺本清苦盈餘提項太多而養勇購線懸賞緝盜在在需費當經奏明設法籌貼俾得放手辦事現已減提錢糧盈餘即將此款改為津貼辦公銀兩作為坐支之款報在任截日分攤以昭公允按縣分撥計荷澤縣二千五百兩曹縣二千兩鄆城縣二千兩單縣二千兩濮州三千兩武縣二千兩鉅野縣三千五百兩觀城縣一千兩定陶縣一千兩朝城縣二千兩共銀二萬兩周村得雨○周村一帶前因乾旱太甚十一十二兩日突有飛蝗自東北來竄食田苗糧價因亦陡漲近幸自十四日至十八日甘霖疊沛四野霑足糧價現已稍平云

魚臺習藝所改良○魚臺縣原有習藝所一區係自三十年前任遠大令蓉捐廉在城內東街娘娘廟內設廠僱覓匠師收養在押人犯教以編蒲包織葦席等項手藝周泉甫大令到任以該所資本無多廟屋亦甚坍塌押犯學習頗難防範查在縣署頭門以內地方尙為寬敞且於監門以外添設柵門兩重亦覺格外慎重當於改修監獄工程內添建內院廠屋七間外院看役住房四間已隨監獄一併修理完竣稟明有案現分內監外廠一體均令習藝查得監犯張春之齊洋狗二人本善織帶手藝責其充當教師轉輾相授俾其有事羈縻不致靜極思動至於外廠專收押犯仍覓匠師二人教以編荆筐柳籃等項手藝銷路較廣且較蒲草不致引起火燭現經設法捐籌資本分別購買洋線柳條以及各項應用器具令內監輕罪人犯俱各學習織帶外廠押犯等人俱令編造筐籃仍委可靠司事一人專為司記帳目約束一切所有售出各件除將原本扣存仍舊留購各項物料成本至餘利酌提五成歸於原人其餘五成留為賞犒勤勞及司帳看役等項津貼所有添建廠屋改良習藝緣由現已稟明省憲鑒核批示祇遵奉商局批據稟該縣習